

অধ্যায়:দেখে এলাম নায়াত্রা

উত্তর পত্র

১. নায়াত্রা জলপ্রপাত এবং ঝর্ণার মধ্যে পার্থক্য বুঝিয়ে লিখ ।

উত্তর:নায়াত্রা জলপ্রপাত এবং ঝর্ণা উভয়ই প্রাকৃতিক জলধারা । জলপ্রপাত আকারে বিশাল । সেই তুলনায় ঝর্ণা আকারে ছোট । যেমন নায়াত্রা জলপ্রপাতের আকার বিশাল । সেই তুলনায় পার্বত্য অঞ্চলের ঝর্ণার আকার ছোট । এটিই নায়াত্রা জলপ্রপাত ও ঝর্ণার মধ্যে পার্থক্য ।

২. নায়াত্রা জলপ্রপাত এর বিশেষত্ব কী?

উত্তর:নায়াত্রা পৃথিবীর সবচেয়ে বড় জলপ্রপাত । সকল জলপ্রপাত পাহাড় থেকে নামলেও নায়াত্রা পাহাড় থেকে নামে নি । নদীর জলধারা যে মাটির ওপর দিয়ে প্রবাহিত হচ্ছে সেখানে রয়েছে এক বিশাল ফাটল । নায়াত্রার জল ওই ফাটলের ভেতর চলে যায় কিন্তু কোথায় যায় তা বোঝা যায় না । নায়াত্রার বিশেষত্ব এটাই ।

৩. বিশ্ব-ভূমণ্ডল বড়ই বিচিত্র- ব্যাখ্যা করো ।

উত্তর:পৃথিবীর ভৌগলিক অবস্থা কোথাও এক রকম নয় । কোথাও সুউচ্চ পাহাড়-পর্বত, কোথাও নদী-নালা, সমুদ্র, বনভূমি, আবার কোথাও বা বিস্তীর্ণ মরুভূমি । আবার প্রকৃতিতেও লক্ষ করা যায় এই বৈচিত্রের ছোঁয়া - কোথাও তীব্র শীত, কোথাও প্রচণ্ড গরম, কোথাও আবার সারা বছরই বরফে ঢাকা থাকে । কেবল পৃথিবীর নয়, পৃথিবীর বাইরে যে বিশাল মহাকাশ সেখানেও আছে বৈচিত্র্য । এ কারণেই বলা হয়েছে, বিশ্ব-ভূমণ্ডল বড়ই বিচিত্র ।